



70
& in iisdem finitimiis Græcis, erectas esse. Crotonem scilicet, Rheygium, Tarentum, Cauloniam, Petijam, Turium, Temesam, Hippoñium, & Consentiam.

At de Consentia manifestus est error, quum pri-mum a Q. Flaminio Colonia facta legatur, postmodum Municipium; unde Cicero in Verrem, apud Marafioti, lib. 3. c. 15. fol. 283. Publum Gravium Consentiae Municipem appellavit. Petiliam quoque, apud lauda-tum Marafioti, Coloniam a Sempronio Consule factam dicunt, & deinde Municipium a M. Magenio. Rhey-gium quidam a Julio Cæsare, alii Triumviratus tem-pore, Coloniam asserunt, aliique Municipium testan-tur. Turium Ferrarius a Triumviris, Marafioti ab A. Manlio, & P. Æmilio, Coloniam, & Municipium a Julio Cæsare asseverant. Hippoñium a L. Nævio, & M. Minutio, Coloniam, & postmodum a M. Furio Municipium, ex Livio, & Cicerone, Marafioti, lib. 2. c. 20., affirmat. Ut ut hoc sit, quod temporum respicit diversitatem; hoc unum sufficit nobis, hæc omnia post Hannibalem evenisse; unde omnibus pateat, Brutio-rum, & Græcorum, urbes a Romanis non poenas, sed honores, post devictos etiam Poenos, repor-tasse.

Aliter autem legimus apud Flore, sive Colonias inquiramus, sive Municipia Brutiorum. Undecim ad-numerat Colonias, Municipia quinque. Coloniae erant I. Besidia, vel Besidiæ, Colonia Latina, a M. Manlio, P. Æmilio, & L. Aprusto, deducta. Livium citat lib. 4. de bello macedon., & Barrium lib. 5. f. 440. II. Cosa, non distinguit, an Romana, an Latina, Colonia fue-rit, a Q. Flaminio, & C. Vellio, immissa. Adducun-tur Paterculus lib. 1., Plutarch. in Q. Flamin., Tullius in